



U Paayt'aanil ti' le Ketlamil Aktáanil ti' Kaaje' 2026 uti'al u yokbal máak ti' le Servicio Profesional Electoral Nacional ti' le INEo'

Le Instituto Nacional Electoralo' (INE), tu jaatsil meyaj Dirección Ejecutiva ti' le Servicio Profesional Electoral Nacionalo' (DESPEN), ku paayalt'antik u almejenilo'ob nojlu'um yéetel u carrerail meyajnáalo'ob ti' le Mo'olayila' uti'al u ts'íibitkuba'ob ti' ka'anal kuucho'ob wa ka'anal kúuchilmeyajo'ob, uti'al u táakbesikuba'ob ti' u Ketlamil Aktáan ti' Kaaj 2026 uti'al u yokolo'ob meyaj yéetel u nojkúuchilmeyajo'ob yaano'ob ti' le Servicio Profesional Electoral Nacionalo' (SPEN), bey ku je'ets'el ti' le Tsolt'aano' tumen le Junta General Ejecutiva.

Le Ketlamila' ku kaxtik u yéeyik, yéetel tojtuukulil beyxan yéetel sáasmeyajil, máako'ob yaan u yóolo'ob uti'al u ma'alob meyajjo' aktáan ti' kaaje' beyxane' uti'al u jo'olintiko'ob le yéeytambalo'ob yéetel jáalk'abilil, keetkunajil beyxan yéetel táan óolalil, beyxane' uti'al u mu'uk'a'ankuunsiko'ob le yéeybaljala'achilo' tu noj lu'umil México.

I. Ba'ax ku k'áata'al uti'al u táakbesikubaj máak

- Máak u lu'umkabilil u lu'umil México yéetel yaan tuláakal u páajtalilo'ob ti'.
- U yantal u credencial uti'al le yéeytambalo'ob.
- Ma' u tak'pachtik mix jump'éeel almejen mo'olayili'.
- Ma' ts'íibta'an u k'aaba' tumen jump'éeel almejen mo'olayil ti' jump'éeel yéeyba'il kuuch aktáan ti' kaaje' ichil le óoxp'éeel ja'aba' ts'o'ok u máano'.
- Ma' p'ata'an bey ma' u béeytal u ts'a'abal meyaj ti'.
- Ma' tse'el u kuuch ti' INE wa ti' le Servicio yo'osal yayaj si'ipilo'ob.
- Máak ku ye'esik ma'alobil xook yéetel u beetmaj meyaj yo'osal le kuuch wa u kúuchilmeyajo'.
- U máansik tuláakal le p'iskambalo'ob.
- U chupik yéetel u ye'esik le ju'unil ku k'aaba'tik "8 de 8 contra la violencia", k'a'béet xan u bisik u jóoronts'íibil.



II. U táan óolta'al keetkunajil yéetel u táakbesa'al tuláakal máake'

Le Ketlamil Aktáan ti' Kaaja' 2026 ku meyaj yéetel tojbe'en keetkunajil, xma' pech óolil yéetel je'ek'ab ti' tuláakal máake'. Tu yo'osale', ku we'et'el u pech' óolta'al máak yo'osal u ch'i'ibalil wa u lu'umil, u t'aanil, u ja'abil, wa yaan nuumil ti', u wíiniknáalil, máax uts tu yichil, bix u yilikubaj máak tu wíiniknáalil, wa yaan k'oja'anilil ti', u yoksaj k'ujil wa ujel ba'alo'ob ti' u máakilil. Beyxane', ku táan óolta'al bix ku táakbesikubaj máak ti' máasewal kaajo'ob, máak afromexicanosó' beyxane' ti' u jejeláasil bix u wíinkilil yéetel u wíiniknáalil máake', tu táan u chuunt'aanil ma'alob oksaj óolalo'.

U ba'alilo'ob uti'al u k'uchul ti' tuláakal máake' yéetel le ba'alo'ob uti'al u p'iistal ti' máake' je'el u béeytal u ts'a'ik le DESPENó': u jóok'sik u junilo'ob ti' digital ti' u kúuchil internet, u k'eext'antik le paayt'aanilo' ichil máasewal t'aano'ob; u láak'intik máak uti'al u yokbal ti' le Subsistemaó'; u jebik u mejen kúuchil internet uti'al u béeytal u yokbal tuláakal máake'; u ts'a'ik túumben nu'ukulo'ob uti'al áantajil yéetel u ts'a'ik u chuka'an súutukil uti'al le p'iskambalo'ob; beyxane', bey táan u yúuchul le k'áatchi'ilo'obo' je'el u béeytal u ts'a'ik ujel áantajilo'ob, je'bix máak ku sutt'aan ich Lengua de Señas Mexicana wa áantajil uti'al u ma'alob péek yéetel máan máake'.

Le máako'ob yaan nuumil ti'ob je'el u páajtal u k'áatiko'ob le ba'alo'ob ku taal tu p'iis ti'ob desde bey táan u chúunul u ts'íibtik u k'aaba' beyxane' tak 10 u p'éel k'iino'ob antes u kaajal u jatsunjaatsil le ketlamo', je'bix ku je'ets'el ti' le nu'ukbesajilju'un uti'al u páajtal u máan tuláakal máak yéetel le ba'alo'ob ku taal tu p'iis ti'ob. Beyxane', uti'al u keetkuunsa'al u yóol tuláakal máake', u meyajnáalilo'ob INE ku kanáantiko'ob ujel máako'ob je'el u páajtal u yantal ti'ob 60 up'éelel minutos sáansamal ichil u súutukil u meyajilo'ob, tu jaatsil u yokolo'ob meyaj tak ken úuchuk le p'iskambalo', uti'al u ts'a'ikuba'ob xooko'.

III. U jatsunjaatsil le Ketlamila' 2026

Le Ketlamil Aktáan ti' Kaaja' 2026 yaan u yúuchul ichil 9 up'éel u jaatsilo'ob te' k'iino'oba':



U jóok'sa'al yéetel u ts'a'abal ojeeltbil le Ketlamila':	U jóok'sa'al le Ketlamila' yaan u yúuchul u k'iinil 26 ti' marzo ti' u ja'abil 2026, ti' le súutukila' yaan u yantal u ju'unil ku k'aata'lo' ti' u kúuchil internet www.ine.mx . U ts'a'abal ojeeltbil yaan u ts'o'okol tu k'iinil 12 ti' abril ti' u ja'abil 2026.
U ts'íibtikubaj máak, u ts'a'abal báaxal kuucho'ob yéetel u ka'a éejenta'al u k'aaba' le máax taak u k'amik le kuucho'obo'	U ts'íibtikubaj máak yéetel u ts'a'abal báaxal kuucho'ob yaan u yúuchul ti' u jaatsil u kúuchil internet u k'aaba' Subsistema del Concurso Público (https://concurso-publico-spen.ine.mx) ichil u k'iinilo'ob 6 tak 12 ti' abril ti' u ja'abil 2026. U ka'a éejenta'al u k'aaba' máax ku bin u beet le p'iskambalo' yaan u yúuchul tu k'iinilo'ob 25 tak 30 ti' abril ti' u kúuchilo'ob Juntas Locales y Distritales Ejecutivas.
U yúuchul le P'ismeyajilo':	Yaan u meyajta'al u k'iinil 16 ti' mayo ti' u ja'abil 2026 yéetel u meyajil "P'iskambal ta wotoch", antes ti' le je'ela', yaan u yúuchul mejen p'iskambalo'ob uti'al u xook máak. Máax taak u náajaltik le kuucho' k'a'béet u yantal ti' ma'alob internet yéetel u computadorail yaan u cámara yéetel micrófono, je'ex bey ku je'ets'el ti' le Guía de aplicación.
U yila'al wa ku éejenta'al le ba'alo'ob ku k'aata'al uti'al le kuucho':	Ichil u k'iinilo'ob 5 tak 12 ti' junio ti' u ja'abil 2026, le máaxo'ob taak u náajaltiko'ob le kuucho' k'a'béet u na'aksiko'ob ti' u jaatsil u kúuchil internet ku k'aaba'tik Subsistema del Concurso Público u ju'unilo'ob tu'ux ku ye'esiko'ob yanti'ob le ba'axo'ob ku k'áatalo' uti'al le kuucho'.
U yúuchul le u p'isil psicométrico ti' u tuukul máak	Yaan u meyajta'al u k'iinil 27 ti' junio ti' u ja'abil 2026 ti' u kúuchilo'ob Juntas Locales Ejecutivas.



U meyajta'al le k'áatchi'ilo'obo'	Yaan u meyajta'al desde u k'iinil 8 ti' julio ti' u ja'abil 2026 tumen u jejeláasil much'meyajo'ob tu'ux ku táakpajal jejeláas meyajnáalo'ob ti' le INEo'.
U meyajta'al u ts'ook xookil ti' buka'aj tu jóok'saj máak tu p'iskambalil	U ts'ook yóok' buka'aj tu jóok'saj máak tu p'iskambalilo'ob yaan u much'meyajta'al yéetel le p'ismeyajilo', le u p'isil psicométricos ti' u tuukul máako' yéetel le k'áatchi'ilo'. Le u ts'ook chíikbesajilo' yaan u jóok'sa'al yóok' tu ka'ap'éelil semana ti' agosto.
U je'ets'el le máako'ob tu náajalto'ob le kuucho'obo':	U je'ets'el le máako'ob tu náajalto'ob le kuucho'obo' yaan u ts'a'abal ojeeltbil yóok' tu kamp'éelil semana ti' septiembre ti' u ja'abil 2026.

K'a'béet u je'ets'el bix ku yúuchul, tu táan ti' le kuucho'ob wa le kúuchilmeyajo', le p'ismeyajilo' yaan u xáantal 3 up'éel horas yéetel 30 minutos wa 5 up'éel horas, u xáantalil yaan u yil yéetel le jatsunjaatsilo'ob yéetel buka'aj k'áatchi'ob ku taasik le p'iskambalo'. U xookil buka'aj tu jóok'saj máak yaan u je'ets'el yéetel u xookil 0 tak 10, yaan u bisik ka'ap'éel decimal beyxane' ma' táan u chukbesal uti'al túulis xookil. U menosil u xookil uti'al u máansik u p'iskambal máak yaan u je'ets'el yéetel le ba'alo'ob ku ya'alik te' Ketlamo' yo'osal jujump'éelil le kuucho'ob wa u kúuchilmeyajo'obi'.

U menosil u xookil buka'aj ku jóok'sik máak uti'al u máansik le p'iskambalo' yaan u xo'okol yéetel 7.00, yéetel yaan u much'meyajta'al yéetel le jatsilo'oba':

- P'ismeyajil: 60%
- U p'isil psicométricos ti' u tuukul máak : 10%
- K'áatchi'il: 30%

IV. U chuuntuukulo'ob uti'al le jeets'elilo'

U ts'a'abal u nojkúuchilmeyaj yaan u meyajta'al yéetel jela'an chuuntuukulo'ob yaan u yil yéetel le kuucho'ob wa le kúuchilmeyajilo'ob:



1. U Vocalías Ejecutivas ti' Juntas Locales Ejecutivas

- Yaan u yantal ka'ap'éel chuuntuukulo'ob uti'al le jeets'elilo'. Yáaxile, 4 up'éel kuucho'ob yaan u ts'a'abal chéen ti' ko'olelo'ob yéetel yaan u táanilkuunsa'al u k'u'ubul tu táan u ju'unil tu'ux jóok' u ts'ook chíikbesajil xook uti'al le kuucho'. Ts'o'okole', le ujel óoxp'éel kuucho'ob yaan u k'u'ubul yéetel u chuuntuukulil yóok'ol máax tu jóok'saj u mas ka'analil xookil, beyo', yaan u k'u'ubul ti' le máax yaan ti' u mas ma'alob chíikbesajil xook ti' le Ketlamil Aktáan ti' Kaaje'.

2. Kuucho'ob yéetel kúuchilmeyajo'ob jela'ano'ob ti' Vocalía Ejecutiva ti' Junta Local Ejecutiva:

- **Nojkúuchilmeyaj chéen ti' ko'olelo'ob:** 101 up'éel nojkúuchilmeyajo'ob, yaan u k'u'ubul ti' ko'olelo'ob yéetel yaan u táanilkuunsa'al u k'u'ubul, tu táan u ju'unil tu'ux jóok' u ts'ook chíikbesajil xook uti'al le kuucho' wa le kúuchilmeyajo'.
- **U jeelbesikubaj xíib yéetel ko'olel ichil keetil:** yaan 93 up'éel nojkúuchilmeyajo'ob, le chuuntuukul je'ela' yaan u meyajta'al bey keetel yanik u xíibil yéetel u ko'olelil. Le kuucho'ob yano'ob yaan u k'u'ubul yéetel le jeelbesajilo', yaan u chúunul yéetel ko'olelo'ob yéetel yaan u seguirtik u tsoolil le táanilkuunsajo'.
- **Xa'ak'a'an chuuntuukulil uti'al jeets'elil:** yaan 101 up'éel nojkúuchilmeyajo', u 70% le kuucho'ob yaan u ts'a'abal ti' ko'olelo'ob yéetel le ujel 30% yaan u ts'a'abal ti' máaxo'ob tu jóok'so'ob u xookil mas ka'analo'. Yaan u beeta'al ka'ap'éel ju'unilo', yáaxile' yaan u chu'upul u ju'unil uti'al le kuucho'ob uti'al ko'olelo'ob, ts'o'okole', le ujel kuucho'ob yaan u k'u'ubul yéetel u tsoolil ka'analna'atil.
- **U mas ka'analil u ts'ook xookil:** yaan 31 up'éel nojkúuchilmeyajo'ob, le chuuntuukul je'ela' yaan u ts'a'abal uti'al le chéen wa jayp'éel ka'analna'atil nojkúuchilmeyajo'ob, beyxan ti' kúuchilmeyajo'ob tu'ux óol mina'an keetil yéetel ko'olelo'ob. Ichil le je'ela', le kuucho' yaan u k'u'ubul ti' máax tu jóok'saj u mas ka'analil ts'ook xookilo', bey xane' yaan u táanilkuunsa'al le ka'analna'atilo' bey ma' táan u jáawsa'al le tojbe'en keetkunajilo'.



- **U táanilkuunsa'al u chuuntuukulil u kanmajil u t'aanil ichil máasewal distritos:** U tuukulile' u táanilkuunsa'al le kuucho'ob ti' le Juntas Distritales Ejecutivas ti' máasewal distritos u k'a'amal tumen máaxo'ob ku ye'esiko'ob u kanmajo'ob jump'éeel máasewal t'aan ku mas t'a'anal ichil le distrito, beya' ku mu'uk'a'ankuunsa'al le áantajmeyajilo' yéetel ma'alob meyaj ti' miatsilil beyxane' ku táan óolta'al u chíikulal jejeláas miatsilo'ob nojlu'um. Le chuuntuukula' yaan u táanilkuunsa'al, antes ti' ujelo'ob uti'al le jeets'elilo'; chéen wa mina'an mix juntúul máak ku ye'esik le chuuntuukula' yaan u meyajta'al yéetel le ujel chuuntuukulo'obo'.

U kúuchil internet chíimpoolta'an tumen jala'achil www.ine.mx u kúuchil tu'ux yaan u jóok'sa'al yéetel u ts'a'abal ojeeltbil ba'alo'ob yo'osal le Ketlamil Aktáan ti' Kaaja', u túuxta'al t'aan ti' jujuntúul máakil yaan u yúuchul yéetel le correo concurso-ine.spen@ine.mx. Bey táan u yúuchul le ketlamila' yaan u yantal jump'éeel kúuchil áantajil ti' INETEL, ti' u númeroil 800 433 2000, yaan u meyaj lunes tak viernes, tu yorail 9:00 tak 18:00 horas.